



LAERSKOOL JEFFREYSBAAI

KRITERIA VIR TOELATING

KRITERIA TOT TOELATING:

1. 'n Leerling moet Afrikaans en Engels magtig wees waarvan minstens een as Huistaal en die ander as Eerste Addisionele Taal aangebied sal word (volgens skolewet). In die geval van immigrante, of volgens die diskresie van die Beheerliggaam, kan uitsonderings gemaak word. Volgens die Departement van Onderwys is dit vanaf 2012 verpligtend dat 'n leerder in Graad R in sy **HUISTAAL (Afrikaans/Engels)** onderrig sal word.
2. 'n Afskrif van die oorspronklike "unabridged" geboortesertifikaat moet by aansoek tot toelating ingedien word.
3. Die skoolrapport van die vorige jaar word ook by aansoek tot toelating verlang.
4. Die volgende dokumente moet aangeheg word by aansoek tot toelating:
 - 5.1 Munisipale rekening;
 - 5.2 Bewys van werkgewer;
 - 5.3 Gewaarmerkte afskrif van hofbevel indien geskei;
 - 5.4 Skriftelike magtiging van voog.

REGULASIES:

Daar moet aan die volgende regulasies voldoen word voordat goedkeuring tot toelating verleen sal word.

1. Leerlinge moet by toelating tot die skool aan die volgende ouderdomsvereistes voldoen.

| Graad | Ouderdom soos op 1 Januarie | Diskwalifikasie vir toelatings Of verpligte uitrede uit die skool |
|--------------|--|--|
| 1 | 6 – 7 | 9 |
| 2 | 7 – 8 | 10 |
| 3 | 8 – 9 | 11 |
| 4 | 9 – 10 | 12 |
| 5 | 10 – 11 | 13 |
| 6 | 11 – 12 | 14 |
| 7 | 12 – 13 | 15 |

2. Toelating tot die skool is onderhewig aan die besettingskapasiteit van die skool. Die kapasiteitsbepaling is soos volg:
 - 2.1 Kapasiteit van skool – 800 leerlinge vanaf Graad R – 7
 - 2.2 Leerlinge per klas – 30 leerlinge
 - 2.3 Graad 1 tot 3: Na 28 leerlingtoelatings word 'n waglys opgestel om voorsiening te maak vir nuwe intrekkers binne ons voedingsgebied.
 - 2.4 Graad 4 tot 7: Na 30 leerlingtoelatings word 'n waglys opgestel om voorsiening te maak vir nuwe intrekkers binne ons voedingsgebied.
3. Die skool se onmiddellike verpligting lê by die toelating van leerlinge uit die tradisionele voedingsgebied van die Laerskool Jeffreysbaai. Voorkeur sal verleen word aan leerlinge uit dié gebied.
4. Indien die Beheerliggaam dit sou verlang moet die ouer / voog volledig skriftelik motiveer waarom 'n ander skool in die omgewing nie bygewoon kan word nie.
5. Die woonadres van die ouer / voog moet of sy / haar eiendom wees of deur hom / haar gehuur word. Buitengewone gevalle sal volgens meriete beoordeel word.

6. Aansoek om toelating van leerlinge wat nie aan een of meer van hierdie toelatingskriteria voldoen nie, moet 3 weke voor die beoogde toelatingsdatum gedoen word. Verontagsaming van hierdie bepaling kan vertraagde toelating tot gevolg hê.
7. Verpligte skoolgelde is vooruit en stiptelik betaalbaar. Indien nodig, berus die verantwoordelikheid by die betrokke ouer / voog om vroegtydig aansoek om finansiële bystand voor te lê.
8. Ouers en leerlinge onderneem om hulle by toelating van die etos en reëls van die skool, te onderwerp, asook aan die dissipline van die Beheerliggaam, Skoolhoof en Leerkragte. Die Skoolhoof & Beheerliggaam behou die reg om skoolreëls neer te lê en van tyd tot tyd te wysig.
9. Toelating van nieburgers/Immigrante:
 - Die Suid-Afrikaanse Skolewet, 1996 en hierdie beleid geld eweneens vir leerders wat nie burgers van die Republiek van Suid-Afrika is nie en wie se ouers oor 'n permit vir tydelike of permanente verblyf beskik wat deur die Departement van Binnelandse Sake uitgereik is.
 - 'n Leerder wat die land met 'n studiepermit binnekom, moet die permit by toelating tot die openbare skool toon.
 - Persone wat as onwettige immigrante beskou word, moet by aansoek om toelating van hul kinders of hulself bewys lewer dat hulle ingevolge die Wet op Vreemdelingebeheer, 1991 (Wet 96 van 1991) by die Departement van Binnelandse Sake aansoek gedoen het om hul verblyf in die land te wettig.
10. Die Toelatingskomitee en Beheerliggaam behou die reg voor om die toelatingsvereistes van jaar tot jaar te wysig en aanvaar die Departementele taalbeleid van 2012, spesifiek vir Graad R.
11. Die norme en standarde waaraan die leerlinge ten opsigte van voorkoms, hare en netheid moet voldoen, sal deur die Beheerliggaam, Skoolhoof en Personeel bepaal word.

Ons benodig asb u samewerking met die volgende skoolreëls:

Hare:

11.1 Hare & invlegsels mag nie gekleur word nie. Daar mag ook geen "sonstrepe" in wees nie.

11.2 Geen gel, mousse of vaseline mag gebruik word om hare te stilleer nie.

11.3 Seuns se hare mag geen "step" of "Mohawk" styl hê nie. Kort hare, wat nie aan die kraag of ore raak nie, word toegelaat.

11.4 Dogters se haarbykomstighede moet wit of donkerblou wees.

11.5 Dogters met skouerlengte hare moet dit vas maak.

11.6 Indien die kuif oor wenkbroue hang moet dit vasgesteek word.

11.7 Geen pruike word toegelaat nie / Invlegsels moet netjies en vas (poniestert) wees.

Juweliersware:

11.8 Seuns en dogters mag 'n horlosie dra.

11.9 Dogters mag een paar goud/silwer ringetjies of "studs" in hul oorbel dra.

11.10 GEEN ander juwele word toegelaat nie.

11.11 Slegs "Medic Alert" bandjies word toegelaat.

12. Geen tasse met wietjies word toegelaat nie.

Leerlinge wat nie reëls nakom nie, sal huis toe gestuur word of detensie sit tot hul gehoor gee.

13. Leerlinge met 'n rekord van wangedrag of uitsetting by ander skole, kan toelating geweier word.
14. Leerlinge kan hulle toelatingsvoorreg verbeur en hertoelating geweier word indien hulle of hul ouers / voogde, na die oordeel van die Skoolhoof en Beheerliggaam, aan enige georganiseerde wegbly-aksie deelneem of enige vorm van intimidasie beoefen.
15. Indien nodig moet 'n leerling bereid wees om 'n onderhoud met die Skoolhoof te voer voordat daar oor toelating besluit sal word. Die Skoolhoof sal die datum en tyd van sodanige onderhoud bepaal. Onkoste moet deur die ouer / voog self gedra word.
16. Die ouer / voog van 'n leerling moet 'n skriftelike onderneming onderteken dat hy / sy sal toesien dat die leerling die skoolreëls nakom.
17. Enige vals inligting of misleiding deur die aansoekers kan tot onmiddellike skorsing lei.
18. Enige besluit ten opsigte van toelating is finaal en geen verdere onderhandeling sal plaasvind nie.

J.J. Dippenaar
Skoolhoof

P.J. Alberts
Voorsitter Beheerliggaam

Toelatingskomitee:

P.J. Alberts (Voorsitter Beheerliggaam)
K. Smith (H.O.D. Seniorfase)
Y. van Niekerk (Sekretaresse)

J.J. Dippenaar (Skoolhoof)
E. Potgieter (H.O.D. Juniorfase)

Handtekening van ouer/voog :

Datum: